

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-19-18854/20
Sarajevo, 27.11.2020. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.07.2020. godine, a na preporuku Komisije za javnu nabavku radova, Općinski načelnik donosi:

ODLUKU

**o izboru najpovoljnijeg ponuđača u predmetu – Izvođenje radova na sanaciji dijela ulica Adnana Žunića br 58 do br 27 i kraka ulice Orahovačka i ulica Adema i Muradifa Omerspahića br 2 do br 20
Općina Novi Grad Sarajevo**

I

Prihvata se preporuka Komisije za javnu nabavku radova i ugovor u predmetu – Izvođenje radova na sanaciji dijela ulica Adnana Žunića br 58 do br 27 i kraka ulice Orahovačka i ulica Adema i Muradifa Omerspahića br 2 do br 20 Općina Novi Grad Sarajevo, broj obavještenja 422-1-3-259-3-157/20, objavljeno na Portalu javnih nabavki dana 23.10.2020. godine i u “Službenom glasniku BiH”– Oglasnik javne nabavke broj 69/20, objavljeno dana 30.10.2020.godine, dodjeljuje se ponuđaču „MGBH“ d.o.o. Sarajevo sa ponuđenom cijenom za ugovor u iznosu od 114.240,83KM bez PDV-a, odnosno 133.661,78KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Konstatuje se da je ponuđač dostavio ovlaštenje izdato od strane Federalnog ministarstva prostornog uređenja za radove iz područja niskogradnje – za izvođenje pojedinih dijelova građevine i to: ceste, gornji i donji stroj i odvodnja cesta, te se oslobađa naknadnog dostavljanja istog.

Obrazloženje

Odlukom broj 02/12-19-18854/20 od 21.10.2020. godine Općina Novi Grad Sarajevo pokrenula je otvoreni postupak javne nabavke „Izvođenje radova na sanaciji dijela ulica Adnana Žunića br 58 do br 27 i kraka ulice Orahovačka i ulica Adema i Muradifa Omerspahića br 2 do br 20 Općina Novi Grad Sarajevo, broj obavještenja 422-1-3-259-3-157/20, objavljeno na Portalu javnih nabavki dana 23.10.2020. godine i u “Službenom glasniku BiH”– Oglasnik javne nabavke broj 69/20, objavljeno dana 30.10.2020.godine.

Zapisnikom o otvaranju ponuda od 13.11.2020. godine Komisija je konstatovala da je u predviđenom roku, u propisno upakovanoj koverti, pristigla jedna (1) ponuda ponuđača „MGBH“ d.o.o. Sarajevo. Zapisnik sa otvaranja ponuda dostavljen je ponuđaču na fax u zakonom predviđenom roku.

Nakon što je Komisija utvrdila da je pristigla jedna ponuda, pristupila je analizi i procjeni dokumentacije kojom ponuđač treba dokazati svoju kvalifikovanost za učešće u ovom postupku.

Komisija je utvrdila da dostavljena ponuda ponuđača „MGBH“ d.o.o. Sarajevo ispunjava formalno-pravne i kvalifikacione uslove tražene u tenderskoj dokumentaciji. Komisija je izvršila i računsku kontrolu ponude te konstatovala računsku grešku u obrašču za ponudu (Aneks 2), te je dana 26.11.2020.godine uputila ponuđaču „MGBH“ d.o.o. Sarajevo obavještenje o ispravci računske greške. Ponuđač je dostavio saglasnost na ispravku računske greške broj 311/20, dana 27.11.2020. godine.

Nakon što je Komisija utvrdila da je dostavljena jedna ponuda, a da je obavještenjem o nabavci i tenderskom dokumentacijom bila predviđena e-aukcija, u skladu sa članom 3. stav (3) Pravilnika o uslovima i načinu korištenja e-aukcije, odlučeno je da će se predmetni postupak okončati u skladu sa članom 69. Zakona o javnim nabavkama

Shodno naprijed navedenom Komisija je donijela preporuku za zaključenje ugovora za predmetnu nabavku sa ponuđačem „MGBH“ d.o.o. Sarajevo.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

Općinski načelnik
mr. Semir Efendić

